

مختلف مخالفتی حزبلره کمونیستلرین مناسباتی

۲- نجی بولمه دییئلردن سونرا، آرتیق تشکل تاپمیش کارگر حزبلرینه کمونیستلرین مناسباتی، یعنی انگلستاندا چارتیستلره و شمالی آمریکاادا آغرار اصلاحاتی طرفدارینا اونلارین مناسباتی آیدیندیر.

کمونیستلر کارگر طبقه‌سینین ان یاخین مقصد و منافی یولوندا مبارزه ایدیرلر، لکن عین زاماندا بو گونکی حرکاتدا اونلار حرکاتین گله‌جگینه‌ده مدافعه ایدیرلر. فرانسه‌ده، محافظه‌کار و رادیکال بورژوازی علیهینه مبارزه‌ده کمونیستلر سوسیالیست-دموکرات حزبین^۱ قوشولورلار، بونونلا برابر انقلابی عنعنهدن ایره‌لی گلن عباره و خویلالارا تنقیدی یاناشماق حقوقوندان‌دا ال چکمیرلر. سوننده اونلار رادیکال‌لارا کمک ایدیر، لکن بونی‌دا نظرندن قاچیرمیرلار که، همین حزب بیریرینه ضد عنصرلردن، قسما فرانسه سیاغی دموکراتیک سوسیالیستلردن، قسامده رادیکال بورژوالاردان عبارتدیر.

^۱ - بو حزبی او زمان پارلماندا لندرو- رولن، ادبیاتدا لونی بلان، گونده‌لیلمطبوعاتدا روزنامه‌سی تمثیل ایدیردی. اونلار ایشلتدیگلری بو آدی- سوسیالیست- دموکرات حزبی آدینی- دموکراتیک و یا جمهورچی حزبین آز چوخ سوسیالیست رنگینه بویانمیش حصه‌سینه ویرمیشدیلر. /۱۸۸۸-نجی ایل انگلیس دیلینده نشرینه انگلسین قیدی./ فرانسه‌ده ئوزونی سوسیالیست- دموکرات حزبی آدلاندیران حزبی سیاسی حیاتدا لندرو- رولن، ادبیاتدا لونی بلان تمثیل ایدیردی، بئله‌لیکله بو حزب معاصر آلمان سوسیال دموکراسیسنیدن برله گوی قدر فرقی ایدی./ ۱۸۹۰-نجی ایل آلمان دیلینده نشرینه انگلسین قیدی./

لهستان لیلاز آراسیندا کمونیستلر آغرار انقلابینی ملی آزادلیق ایچون شرط قویان حزبه، ۱۸۴۶-نجی ایلده کراکف عصیانی نی دوغوران حزبه کمک ایدیرلر.

آماندا بورژوازی انقلابی چیخیش ایتدیگینه گوره، کمونیست حزبی اونونلا ال بیر اولوب مطلق مونارشی، فئودال تورپاق مالکیتی و ارتجاعی دارگوزلر علیهنه مبارزه ایدیر.

لکن کمونیست حزبی بورژوازی ایله پرولتاریا آراسیندا اولان دشمن تضادینی کارگرلرین ممکن قدر داها آیدین باشا دوشمه لری ایچون هر دقیقه چالیشیر که، آلمان کارگرلری بورژوازی حکمرانلیغینین یاراتمالی اولدوغی اجتماعی و سیاسی شرنظدن اونون نوزی علیهنه درحال بیر سلاح کیمی استفاده ایده بیلسینلر آمانداکی ارتجاعی طبقه لر یخیلدیقدان سونرا درحال بورژوازینین نوزی علیهنه مبارزه باشلان سین.

کمونیستلر عمده دقتلرینی آمانا ویریرلر، چونکه آلمان بورژوا انقلابی عرفه سینده دیر. چونکه آلمان بو چویریلیشی عمومیتله اروپا مدنیتینین داها مترقی شرانظینده ایده جکدیر، ۱۷-نجی عصرده کی انگلستان و ۱۸-نجی عصرده کی فرانسه ده اولان پرولتاریادان خیلی آرتیق انکشاف ایتیش بیر پرولتاریا ایله ایده جکدیر. آلمان بورژوا انقلابی پرولتار انقلابینین فقط بلاواسطه مقدمه سی اولایبیر.

بیرسوزله، کمونیستلر هر یرده موجود اجتماعی و سیاسی قورولوش علیهنه یونلدیلن هر جور انقلابی حرکاتا کمک ایدیرلر.

بوتون بو حرکاتلاردا اونلار مالکیت مسئله‌سینی، اونون چوخ و یا آز انکشاف ایتیمیش بیر فرم آلماسیندان آسیلی اولمایان، حرکاتین اساس مسئله‌سی کیمی بیرینجی یره قویورلار. نهایت، کمونیستلر هر یرده بوتون مملکتلرین دموکراتیک حزبلرینین بیرلشمه‌سینه و راضیلیغا گلمه‌سینه چالیشیرلار. کمونیستلر نوز باخیش و نیتلرینی گیزلمگی منفور بیر شئی حساب ایدیرلر. اونلار آچیق بیلدیریرلر که، مقصدلری فقط بوتون موجود اجتماعی قورولوشی زوراکلیقلا یخماق یولی ایله الده ایدیله‌بیلر. قوی حاکم طبقه‌لر کمونیست انقلابی مقابلنده لرزه‌یه دوشسونلر. پروتلارلار بو انقلابدا نوز زنجیرلریندن سوای هیچ بیر شئی ایتیرمه‌یجکلر. قازاناجاقلاری بوتون دنیا اولاجاقدیر.

بوتون دنیا پروتلارلاری بیرلشین

تایپ الیین: الدوز آذری

کتابخانانین انترنت آدرسه: <http://www.javaan.net/nashr.htm>

پست آدرسه: BM IWSN, London WC1N ۳XX, UK

ایمل آدرسه: yasharzarri@yahoo.com

نشر کارگری سوسیالیستی نین مسئوله: یاشار آذری

یازیلان تاریخ: ۱۳۸۵